



CUMÜN DA SENT



# Il mas-chalch da Sent

Publicaziuns officialas. Cumpara seguond bsögn.

2012-2014

no. 25

7554 Sent, 14 november 2013

## Promoziun dal sport d'inviern

Eir quist on ha il cussagl cumünal decis da far part a la sporta cumünaivla dals cumüns e da las Penderas Motta Naluns, chi pussibiltesch'a scolaras e scolaras da retrar cartas pella stagiun d'inviern 2013/2014 per ün predsch fich favuraivel. Ils cumüns chi fan part a quell'acziun surpiglian, insembel cullas Penderas Motta Naluns, üna gronda part dals cuosts da las cartas da stagiun. Las seguaintas annadas pon retrar la carta pels seguaints predschs:

Scolaras e scolaras da las annadas 1998 – 2007 frs. 55.-  
Scolaras e scolaras da las annadas 1997 e plü vegls (be obligatorium da scoula) frs. 175.-  
Pels uffants da l'annada 2008 e plü guivens es l'adöver dals indrizs gratuit!

Ils frs. 5.- per las KeyCards nu sun cumprais in quists predschs. Las Keycards da l'on passà pon però gnir rechargiadas per quist on.

**Attenziun!** Ils predschs comunicats survart valan be per cartas da stagiun chi vegnan retrattas fin il plü tard als **30 november 2013**.

Las datas da la prevendita vegnan dattas cuntschaintas da las Penderas Motta Naluns.

## Il Cussagl cumünal

### Avis: Rumir naiv da/per privats

Illa sezzüda dals 4 december 1996 ha il cussagl cumünal chattà la seguainta soluziun pel möd da rumir la naiv per privats:

1. Id es admiss da rumir plazzas privatas sün vias cumünalas, scha la naiv vain palada sün via avant, al mumaint, cha quella vain rumida dal cumün;
2. Sch'inchün giavüscha ch'ün toc terrain privat vegna rumi dal cumün, es quai pussibel cunter pajamaint. Annunzchar p.pl. in büro cumünal opür directamaing al manader tecnic;
3. I nun es admiss, davo cha'l cumün ha rumi las vias, da rumir naiv da terrain privat sün vias cumünalas. A quels chi surpassan quista decisiun dal Cussagl cumünal vaina miss in quint la lavur per rumir la via cumünala da nouv.

Tuot ils ogets (vaschs, chaistas da fluors, bancs e.o.p.) chi sun miss davant las chasas ston gnir allontanats sur inviern quai per evitar dons in connex culla rumida da naiv.

## Il Cussagl cumünal

### Avis a reg. allontanar saivs electricas

Tenor art. 32 da l'uorden champester ston tuottas saivs electricas, chi sun gnüdas fattas sün terrain privat e cumünal, gnir allontanadas d'urant il temp d'inviern. Our da quel motiv ston quellas gnir tuttadas davent subit.

Sch'inchün nu vess d'observar quist appel, vegnan las saivs allontanadas davart dal cumün a cuosts da quel chi ha interlaschà da tillas allontanar. **Attenziun:** Quist avis val'eir per alps e pas-chs! Eventuals dons chi subaintran van a charg da quel chi nun ha levà la saiv! Fich privlus sun pels skiunzs e pella sulvaschina filfiers chi vegnan be miss giò per terra. Per plaschair allontanar eir quels.

**Il schef da god,  
pas-ch e pauraia**

## Transit d'inviern in Val Sinestra

A regard il transit d'inviern in Val Sinestra vain praticità sco d'ürant ils ons passats, in rondond attent sül scumond da transit dals 27 december 1978 dal cussagl cumünal e sül decret dal departamaint da güstizia e pulizia chantunal dals 1. favrer 1979.

## Scumond

Dals 1. november fin als 30 avrigl esa scumandà da transir cun veiculs a motor s'ulla via Sent – Sinestra. Il scumond vala davent da l'ür dal god Vaschnuogls/Vita-Parcours fin pro'l Kurhaus Val Sinestra. Surpassamaints da quist scumond vegnan chastiat in basa dals artichels 20 e 30 da la ledscha stradala. Quist scumond es gnü publichà i'l Fögl uffizial dal chantun Grischun dals 16 favrer 1979.

- Il segnal no. 2.01 "Scumond general per trafic cun veiculs a motor" es piazzà a l'ür dal god.
- Avant la Val Vallatscha es impü montada üna barriera.
- Üna barriera es a l'ür dal god.
- In cas da privel da lavinas sun da resguardar las directivas e masüras dal servezzan da lavinas dal cumün da Sent.

Per trafichar faja dabsögn d'ün permiss special dal cumün. **(La vignetta da vias champestras dal cumün da Sent nu vala per transir in Val Sinestra)**. I vain montada suot il scumond general üna tabla "exclus cun permiss special dal cumün". Permiss specials survegnan be persunas chi han ün'incumbenza i'l hotel Val Sinestra. Tuot ils transports dals giasts davent da Sent ston gnir surtuts da l'hotel. Surpassamaints dal **scumond general** vegnan chastiat.

### Cussagl cumünal

## Controlla uffiziala da s-chodamaints d'öli 2013 / 2014

L'uffizi per la natüra e l'ambiant fa las controllas da s-chodamaints pro'ls cumüns da nossa regiun tanter ils 11 november 2013 ed ils 30 avrigl 2014. Per nos cumün culla fracziun SurEn vegnan quellas controllas fattas tanter ils 15 december 2013 fin la fin dal mais schner 2014. A tuots tangats giavüschaina da's remarchar quella perioda.

### Cussagl cumünal

## Advent pels attempats

Eir quist on organisescha la società da duonnas ün inscunter d'Advent **cun gantar** per quellas persunas da las annadas 1943 e plü veglias (da 70 amunt).

La data es gnüda fixada sün **dumengia, als 1. december 2013**, a las **12.00h** illa chasa Misoc.

I'ns fess grond plaschair scha tuot quellas persunas gnissan a nos gantar.

**Annunzchas** piglia incunter Annatöna Pult, tel. 081 864 86 82 opür Vreni Buchli tel. 081 864 06 77, **a partir da subit**.

### La società da duonnas

## I bazar da la società da duonnas

ha lö als **17 november 2013 a las 13.30h in chasa cumünala**. No vain fat bleras lavurs da man. Natüralmaing daja ün' ingiavineria ed üna stüva da caffè cun bunas tuortas e panins. Nus vulestan render attent, cha nus fain eir stinvs e pullovers sün postaziun.

Giuvien e vegl es amiaivelmaing invidà. Grazcha fich ouravant per Vos sustegn e per Vossa numerusa cumparsa.

Ün cordial ingrazchamaint a tuot quels chi han sustgnü a nossa società cun üna contribuziun annuala.

### La società da duonnas

## Exposiziun da Nadal

**Dumengia, als 24 november 2013** da las 10.00h – 18.00h.

Regals da tuot gener, arrandschamaints da Nadal e bellas chandailas in tuot las variaziuns. Nus ans allegrain da Vossa visita cun vin chod e pastinas da Nadal.

### Butia la Funtana

## Reavertüra – Sport Champatsch

La butia Sport Champatsch es darcheu averta davent dals:

**2 november 2013** da las 09.00h - 11.00h e da las 15.00h - 17.00h  
dumengia serrà

A partir dals 14 december 2013 da las 08.00h - 12.00h e da las 15.00h - 18.00h  
dumengia 08.30h - 10.00h e da las 16.00h - 18.00h

No ans allegrain sün Vossa visita.

**Team Sport Champatsch**

## Da vender chasa d'abitar

Da vender gronda chasa a Sent. Infuormaziuns plü detagliadas pro Johanna Camenisch, tel. 081 864 04 68.

**Johanna Camenisch**

## Da vender a Sent

2 parcelas terrain agricul

Barigl 101 aras

Tuffarolas 226 aras

Interessents dessan s'annunzchar suot tel. 081 284 47 07.

**Jon Valentin**

## 34 avel турниr da ballarait

Ils 14 ed ils 15 da december 2013 ha lö il 34 avel турниr da ballarait da Sent.

No vessan plaschair scha quist on as partecipessan dasper la giuventüna e'ls scolars eir blers maridats e „routiniers“, sajan quai genituors da scolars o giuventüna o da quels chi han giovà blers turniers da ballarait a Sent. No'ns allegrain da minch'annunzcha.

Adüna al marcurdi saira e'l venderdi saira da las 20:30 fin las 22:00 illa sala da gimnastica da la scoula a Sent pudaivat ir ad exercitar.

Chi chi ha uossa tschüf plaschair e vögla da giovar il турниr da ballarait (sco singul, las gruppas faina no) po s'annunzchar fin il plü tard als **9 december 2013** pro las seguaintas mattas dal s-chalin ot:

- Seraina Pfiffner 081 860 07 70

- Elena Salomon 081 864 82 73

- Anina Piguët 081 860 31 80

Las taxas da partecipaziun sun las seguaintas:

creschüts: 7.-

uffants: gratuit

(Giovar pon be scolars dal s-chalin ot).

**Claudio Melcher e  
Gian Caviezel**

## 100 ons ditte Lazzarini SA / regal da giubileum al cumün da Sent

Quist on po la ditte Lazzarini SA festagiar seis 100avel on d'existenza. Sün quel giubileum ha la giubilara decis da dedichar a seis löes da staziunamaint ün banc da giubileum, chi'd ais gnü construi da seis giarsuns. Als 7 november ha lura gnü lö la surdatta uffiziala dal regal, dimena d'ün bel banc chi'd ais gnü piazzà a Sala.

Gian Andrea Rusca, cusglier administrativ sco eir Claudio Giovanoli, parsura da la direcziun cun Fabio Lo Tuffo, manader da gestiun da la filiala Samedan e commember da la direcziun extendüda, han salüdà e surdat il banc da giubileum in mans dal cussagl cumünal, chi d'eira preschaint in möd cumplet. Eir ils giarsuns, chi vaivan prestà excellenta lavur, d'eiran da la partida.

Davo l'act uffizial han ils respunsabels da la ditte invidà ad ün bun süerv cun gustusa boccada, ingio chi's ha pudü barattar interessants discuors.

Il capo ed il cussagl cumünal vuessan eir sün quista via exprimer a la ditte Lazzarini SA sias plü cordialas gratulaziuns ed ün resenti ingrazchamaint per quella generusa gesta da giubileum. A la giubilara giavüsch'el be tuot il bun, success e prosperimaint eir pel avegnir.

**Cussagl cumünal in nom da  
la populaziun da Sent**